

Pasonan pa yega na pas ku Dios

Dios ta stima bo i E tin un propósito pa bo bida

1

Dios ta stima bo i E ke pa bo eksperensia pas i bida na abundansia i pa semper!

Beibel ta bisa...

'Pasobra Dios a stima mundu asina tantu ku El a duna su úniko Yu, pa tur esnan ku kere den djE no bai pèrdí, ma haña bida eterno'.

Huan 3:16

'Ami a bini pa duna bida, bida na abundansia'.

Huan 10:10

?

Kon bin mayoria di hende no tin e pas akí ni konosé e bida na abundansia akí ku Dios a plania pa nos?

Dios ta stima bo i E tin un propósito pa bo bida

2

Dios a krea nos segun su imágen pa nos tin un bida na abundansia. E no a traha nos manera robòt pa nos lo a stim'É i obedes'É outomátikamente. Dios a duna nos un propio boluntad pa nos hasi un eskoho liber. Ta nos ta esnan ku ta skohe pa desobedesé Dios i sigui nos mes kaminda. Esei ta piká i resultado di esei ta trese separashon entre nos i Dios.

Nos eskoho a trese separashon entre nos i Dios



Hende
Píká



Dios
Santu

Beibel ta bisa....

'Tur hende a peka i ta karesé di Dios su gloria'.

Romanonan 3:23

'Pasobra e pago di piká ta morto, pero e regalo ku Dios ta duna ta bida eterno, ku nos por haña den nos Señor Kristu-Hesus'.

Romanonan 6:23

Dios ta stima bo i e tin un propósito ku bo bida

Hende a purba na hopi manera pa konstruí un brùg entre nan i Dios...

No tin niun brùg ku ta yega serka Dios... ku eksepshon di ún.



Beibel ta bisa...

'Tin kaminda ku parse règt, pero na final, morto ta warda'.
Proverbionan 14:12


'...i sin ku nos a hasi nada bon, pa puru mizerikòrdia, El a salba nos.'
Tito 3:5

Dios su brùg: E Krus

3

Hesus ta e úniko kaminda. Hesu-Kristu a muri na krus i a lanta for di graf. El a paga e kulpa di nos piká i dor di su morto El a pone un brùg entre Dios i hende.

Dios mes a sòru pa e úniko kaminda.
Kada hende mester skohe.




Beibel ta bisa...

'Dios sí ta demostrá su amor pa nos dor ku Kristu a muri pa nos miéntas nos tabata pekadó ainda'.
Romanonan 5:8

'Hesus a kontest'é: 'Ami ta e kaminda, bèrdat i bida; niun hende no por yega serka Tata, si no ta pa medio di Mi'.
Huan 14:6

'Kristu a muri pa nos pikánan, manera Skritura ta bisa ... nan a derÉ ... riba e di tres día El a lanta for di morto, manera Skritura ta bisa'.
1 Korintionan 15:3-4

Nos mester tin konfiansa den Hesu-Kristu komo Señor i Salvador i invit'É pa drenta den nos bida.



Beibel ta bisa...

'Pasobra si ku bo boka bo proklamá ku Kristu ta Señor i den bo kurason bo kere ku Dios a lant'É for di morto, lo bo ta salvá!'

Romanonan 10:9.

'Esnan ku sí a asept'É, ku a pone nan fe den su nòmber, El a duna derecho pa bira yu di Dios.'

Huan 1:12

Bo ke aseptá Hesus awor aki mes?

Aki bo por mira kon pa aseptá Hesus:

1. Atmiti ku bo tin mester di Kristu (Mi ta un pekadó)
2. Bo mester ta dispuesto pa bira lomba pa piká (arepentí).
3. Kere ku Hesus a muri pa bo na krus i a lanta for di morto.
4. Pidi Hesus den orashon p'E bin den bo bida, pa medio di Spiritu Santu (RisibiÉ komo Señor i Salvador).

Kon pa resa:

Kerido Señor Hesus, mi sa ku mi ta un pekadó i mi ta pidi Bo pordon. Mi ta kere ku Bo a muri pa mi pikánan i ku Bo a lanta for di morto. Mi a bira lomba pa mi pikánan i mi ta invitá Bo drenta den mi kurason i den mi bida. Mi ke konfia Bo i sigui Bo komo mi Señor i Salvador. Den bo nòmber! Amèn.

Firma

Fecha

Garantia di Dios: Su Palabra Ora bo resa e orashon akí, Beibel ta bisa...

'Tur ku invoká nòmber di Señor lo ta salvá.'

Romanonan 10:13

'Pasobra boso ta salvá dor di gracia di Dios, pa medio di fe den Kristu! Anto boso no ta haña salbashon a base di boso mes esfuerso, ma e ta un regalo di Dios. No por hasi nada pa gan'é, ya niun hende no por broma'.
Efesionan 2:8-9

Beibel ta bisa...

'Esun ku tin e Yu, tin bida; esun ku no tin e Yu di Dios, no tin bida! Mi ta skibi boso e kosnan akí, pa boso sa sigur ku boso tin bida eterno, boso ku a pone boso konfiansa den e Yu di Dios.'

1Huan 5:12-13

Ora nos risibí Kristu, nos a nase den famia di Dios pa medio di e trabou sobrenatural di Spiritu Santu ku ta biba den kada kreyente.

Esei yama 'nase di nobo'.

Esaki ta djis kuminsamentu di un bida maravioso den Kristu!

Pa krese den e relashon akí bo mester:

1. Lesa Palabra di Dios tur dia pa konosé Hesu-Kristu mihó.
2. Papia ku Dios tur dia durante orashon.
3. Konta otronan tokante Señor Hesus.
4. Alabá, ta den komunion i sirbiÉ huntu ku otro kristiannan den un iglesia kaminda ta prediká tokante Kristu.
5. Komo representante di Dios den un mundu yen di nesesidat, laga mira e bida nobo ku bo a risibí pa medio di bo amor, preokupashon i kuido pa otro.



Bo a pidi
Hesu-Kristu
sinseramente pa
bini den bo bida?
Unda E ta na e
momento akí?
Kiko El a duna
bo?